



ALTERNATIV DEMOKRATESCH
REFORMPARTEI

Groupe parlementaire

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, de 4. Abrëll 2019

Här President,

Sou wéi d'Chambersreglement et virgesäit, bieden ech lech, dës parlamentaresch Fro un den Här Wirtschaftsminister weiderzeleeden.

D'Post huet eng zolidd Hausse vun hire Bréiftariffer annoncéiert, déi zweet no Dezember 2015. Dës Hausse, déi esouwuel d'Bréiwer wéi och den ATR-Zerwiss betrëfft, läit bei ronn 14 Prozent. Si kënn e puer Wochen no der substantieller Hausse bei der Autoskontroll a betrëfft nees eng Entreprise, wou de Staat matzeschwätzen huet. Dofir wëll ech dem Här Wirtschaftsminister dës Froe stellen:

1. Rechtfäerdegst sech eng Hausse vun de Posttariffer, déi wäit iwver der Entwécklung vum Index läit?
2. Fënn den Här Minister dës Hausse berechtigt, wann ee bedenkt, datt d'Post hiren Zerwiss bei der Bréifpost ëmmer méi kleng mécht (Samschdes gi keng Boîte méi opgehewen) an datt si fir ze rationaliséiere Büroen uechtert d'Land zoumécht?
3. Wéi probéiert de Staat, bei Betriber, wou hie matzeschwätzen huet, op d'Präisser vun ëffentlechen Déngschtleschtungen anzewierken?
4. Sinn Präishaussen op Déngschtleschtungen, déi all Mënsch brauch, an Zäiten, wou de Risiko vun der Aarmut klëmmt, net besonnesch kriddeleg?
5. Ass de Minister d'accord, fir ze soen, datt bei ëffentlechen Déngschtleschtungen aner Kritäre musse gëllen, wéi bei private Banken, déi och d'Tariffer vun hiren Déngschtleschtungen héijen?
6. Hat de staatleche Verrieder an den zoustännege Gremie vun der Post Instruktioune fir dës Präiserhéijung matzedroen?

Mat déiwem Respekt,

Fernand Kartheiser
Deputéierten